







La historia da Nadal



Wo wurden diese Schnipsel herausgeschnitten?



Il Bab en tschiel tarmetta il Salvader



A Nazaret viva Maria. Ella ei spusada cun Giusep.

Igl aunghel Gabriel vegn tier Maria

(Tenor Lucas 1,26-38)

Il Bab en tschiel tarmetta igl aunghel Gabriel tier Maria.

Lez di ad ella:


„Salidada seis ti Maria, plena da grazia, il Segner ei cun tei.“

Igl aunghel damonda ella da darentar mumma da Jesus.

Jesus ei il fegl da Diu, il Salvader.

Maria di: „Jeu sun la survienta dil Segner, a mi damenti suenter tiu plaid.“

Il sogn Spért vegn sur Maria e sut siu cor crescha il Fegl da Diu.



Maria viseta Elisabet

(Tenor Lucas 1,39-56)



Cun Jesus sut siu cor fa Maria in liung viadi. Ella va tier
sia parenta Elisabet ch'ei era en speronza.


Elisabet salida Maria:

**„Ti eis benedida denter las dunnauns e benedius ei il
fretg da tiu best, Jesus.“**

Igl aunghel a Maria di:
Na seigies tementada!
Sche Dieus vul far honor a ti,
mo seigies confortada!
Niessegner ha tscherniu oz tei
che la schlattein'humana sei
da ses puccaus spindrada.


Mari'agl aunghel ussa di:
Gl'ei memia grond'undrientscha:
mo sche Dieus vul la dar a mi,
jeu fetschel obedientscha.
A mi daventi sco ti dis!
Mo Dieus mei gidi tut ils dis,
mantegni la cardientscha.

Giusep ed igl aunghel




Maria era spusada cun Giusep. Beingleiti han els vuliu maridar. Dieus ha raquintau en in siemi a Giusep digl affon.

Viadi a Betlehem



Lu vegn il camond digl imperatur Augustus ch'ei seigi da far ina dumbraziun dil pievel en siu entir reginavel. Tut la glieud semetta sin via per seschar registrar, mintgin en siu marcau. Era Giusep ha bandunau il marcau da Nazaret ed ei semess sin via encunter Betlehem, perquei ch'el era dalla casa e schlatteina da David.



Jesus nescha en ina stalla a Betlehem



Giusep e Maria ein i a Betlehem, quei ei in liung viadi. A
Betlehem ston els durmir en ina stalla. Leu ha Maria
parturiu siu feagl Jesus. Maria ha enfaschau e mess el en
pursepen.

Glisch nuviala en ina stalla
ha vuliu oz cumparer;
tgi ch'enquera la glisch vera
vegn oz quella ad haver.

La tarlischa, fa che brischa
il carstgaun d'amur per Diu.
Amicezia stagl justezia
nus ha quella parturiu.

La clarezia, segirezia
dil parvis ell'ha purtau,
ei cheu pia glisch sin via,
leu suleagl dil tschiel beau.

Il pasturs vegnan clamai alla stalla




Sin las pastiras da Betlehem pertgiran pasturs lur nuorsas.
Tuttenina vesan els ina gronda glisch ed in aunghel di ad
els: „Jeu annunziel a vus ina gronda legria. Oz ei naschius
per vus il Salvader. Quei ei il Cristus, il Segner. Mei ed
encuri el! Vus anfleis el en ina stalla en in pursepen.“
Lu laudan els ils aunghels e contan:

Gloria a Diu ell'altezia e pasch sin tiara als carstgauns.

Il pasturs van spert ed els anflan Maria e Giusep ed igl
affon en pursepen.

Pasturs vegnan clamai alla stalla




Clara notg de Nadal!
Giu dal tron celestial
eis vegnius, affon divin.
In pursepen, o car Babin
has per tgina vuliu.


Biala notg de Nadal!
Betelem aud'ual
aunghels glori'a Diu cantar,
ils pasturs van per mirar
il Salvader dil mund.

Sontga notg de Nadal!
Fegl de Diu, immortal,
eis per nus vegnius carstgaun.
Cristus, tonschas a nus il maun,
gidas enta parvis!

Sabis vegnan ed aduran igl affon divin




Lunsch ord igl Orient vegnan sabis. Els han viu ina steila ed ein suandai quella. Quella steila meina els tier Maria, Giusep ed Jesus. Els aduran igl affon e dattan ad el regals: Aur, entscheins e mirra. Els muossan aschia che Jesus ei il Fegl da Diu e retg digl entir mund.




Fuigia ell'Egipta

17



Cura ch'ìls sabis ein stai naven, cumpara in aunghel a Giusep en in siemi e di: „Leva, pren igl affon e sia mumma e fui ell'Egipta. Tuorna buca avon ch'jeu ditgel a ti; pertgei Herodes enquera igl affon e vul mazzar el. “ Aunc en quella notg pren Giusep sia famiglia e semetta sin via viers l'Egipta. Herodes era scuius sil niev retg ch'era naschius.

Retuorn



Suenter la mort da Herodes cumpara igl aunghel tier Giusep en in siemi e di: „Leva, pren tia famiglia e tuorna ella tiara d'Israel. Quels che levan mazzar igl affon ein morts. „Giusep tuorna cun sia famiglia a Nazaret e leu lavura el sco scrinari.